

DIONYSII SENTEN.


puericia: iudicantes magis Reipub. in-
teresse, quomodo in uirili ætate regere-
tur, quàm in prima puericia, & longe
plus ualere rectam educationem atq; in-
stitutionem, quàm bonas leges, quia
leges delicta admissa puniant, uerum
bona institutio prohibet, ne
quid pœna dignum
committa-
tur.




*Haganoë, ex officina Seceriana. Anno
salutis M. D. XXXIII.
die 19. Mensis
Martij.*









COMMENTARIUS

CAPTAE VRBIS DVCTO/
re Carolo Borbonio, ad exquisitum
modum confectus: ubi non modo
ordine magis quam haecenus ab alijs
exposita omnia, sed multa etiam
aliter cernere liceat, Aucto/
ris innominati.

Huic adiecta sunt poemata duo.

Carolus siue Vienna Austriaca:

Carolus siue Tuncete

Anastasy.

850



2890. 1920.

0

IOACHIMVS CAMERAR.

Danielo Stibaro, S.D.



VID tu quereris silere Musas nos-
 stras, qui nō ignoras quibus flatibus
 quasi cygnorum excitentur carmina
 illarum. Mihi quidem mi Daniele ita
 uehemēter ὑπὲρ τῶν κολούιδῶν obstrepitur
 ut mirum sit exaudiri à me ipso, non enim dicam ab
 alijs, nostros cantus. Non quereris satis scio amplius,
 sunt tibi enim notæ multiplices curæ meæ, quibus
 hoc tempore distineor, quibusq; si quid ingenij in me
 esset, id totum κολούιδῶν, uel potius ἀφανίζιδῶν debebat.
 Sed tibi tamen satisfacere cupio. In quo studio mu-
 tuabor calliditatis aliquid à uestra sapientia, & tibi
 à me dabo alienum beneficium: & si nō sunt ista alie-
 na beneficia quæ quasi μαρτανίῳ τινὶ propria fiunt.
 Nos quidem certe hæc, qualiacūq; sint, max. ex pari-
 te exornauimus, & instruximus quadam specie pul-
 chritudinis, ac ne penitus abdicemus, nos quasi in gē-
 tem alienam adoptione emācipata transire iussimus.
 Quòd autem ad captam Romam attinet, commenta-
 rium propter rem memorabilem plurimi faciēdum,
 scito illū nobis ab A. palæospyro missum, cui nos uer-
 sus Cæsarianos adiecimus. Est autem tibi erga Caro-
 lum nostræ uolūtatis promptitudo nota. Rideant hæc
 sanè qui uelint, in hac paruitate nostra & præstantia
 illius, cum ipsum Numen infimorum adoratione &
 cultu imprimis delectetur. Tibi misi nunc hæc, nō so-



lum ideo ut aliquid mitterem, nolim enim abire multum temporis, quo nõ seruato antiquo more decerpã aliquid de fructibus studiorum meorum, quo te munerari possim, sed ob hanc etiam causam hoc tempore in istam editionem operam diligenter dedi, ut te inter uarios rumores quasi uaticinijs quibusdam cõfirmarẽ. Noli enim putare plus fidei habendũ ullis astrologorum aut aruspicum diuinationibus, quã corum qui uatum nomen proprium inuenerunt, non imbuti superstitione aliqua, sed instinctu quodam & ui cœlesti præditi. Quid dubitas: uincere oportet Carolum, prorsus enim huius,

Τὴν γὰρ Διὸς ἔσι φιλῶ δὲ ἰμνιῶτα Ζεὺς.

Vis plura: non dico tibi uulgaria prædictionum diuersarum quæ sunt tibi notiõs, sed unum singulare. Luferẽ quondam in Italia uiri eruditi sortibus Virgilianis: tum Carolus adolescens fuit, ne quisquã suspicari potuit eo progressurum potentie atq; opum, quo nos cum incredibili lætitia uidemus. Tunc de pontifice Leone & alijs quæ sortes fœdæ atque ridiculæ exiisse dicantur, nõ lubet nunc exponere: nam publicare animus est cum Homericis quibusdã, quarũ nobis spes nuper est facta: sed de Carolo Philippi. f. dictum his uersibus data tum fuit.

Huius in aduentum iam nunc & Caspia regna
 Responsis horrent diuũm, & Mæotica tellus,
 Et septem gemini turbant trepida ostia Nili.

Quibus nos si uidetur & præcedentia & sequentia attexamus quæ his ipsis profecto indicantur. sed

AD DANIELVM ST.

nō libet nimium gloriari: cisi gloria humana repræ-
bendi solet, diuina neq; solet neq; debet. Carolum aut
constat nunquam tribuisse suis uiribus max. rerum ul
las actiones suas, sed potius retulisse acceptum totum
nomen, decus, famam, fortunā, imperij, uirtutis, po-
tētiae, uictoriae, Diuino numini, cuius ipse quasi admi-
nister uoluntatis in terris uersaretur atq; elaboraret.
Hæc mi Danicle, si uidebitur, cōmunicabis cum Hu-
teno nostro cuius fratrem Philippum natum laudi iu-
uenem, reuersum de Indica nauigatione, ducere ali-
quot ad Cæsarem cohortes audimus, sumusq; illius
laudatiss. conatibus precati dignam fortunā. Quam
quidem iam ita ille finxit animo supra ætatem forti-
atq; magno ut instabiliss. Dea in hoc mutari non pos-
se uideatur. Quicquid enim accidat, ego quidem uo-
lo ominorq; læta omnia. Quam gloriam sibi compa-
rauit ille uirtute sua, sempiterna profecto etiam ad po-
steritatem cum aliqua accessione dignitatis nobilissimæ
Gentis est futura. sed fuimus longiores quàm o-
portuisse uideatur, in quo si quod est peccatum meū,
cupiditati quasi colloquendi tecū ascribas, cuius iam
diu sermonum suauitatem requiro cum summo desi-
derio. Bene uale & saluere Hutenum à nobis multum
iube. Tubingæ suenorum XV. Cal. iunij.

VRBIS ROMAE

EXPVGNATIO PER EXERCITUM
 Imp. Cæs. Caroli Qu. auspicijs Borbonij,
 quæ contigit, An. M. D. XXVII,
 paucis narrata.



FOELICES successus
 CAROLI Cæsaris to-
 ti Italię non modicam
 formidinẽ iniecerũt, tã
 diu retẽta ditione Me-
 diolanensi, quanquã potentiores Ita-
 li forter obniterẽtur, & toties frustra-
 to Galliarum rege in repetẽdis Insu-
 ribus, tãdem etiã capto ac in Hispa-
 niã abducto. Quare uisum est CLE-
 MENTI viij Pontifici Rom. fœdus
 Italię principum & maximarum ci-
 uitatũ instituire, quò tutiores essent
 aduersus ingruẽtem Cæsarem, & ad
 illum excludendum, nam hoc planẽ
 agebatur, ualidiores. Hãc ipse ligam
 sanctissimã appellauit, ueluti natam
 autore eo quem orbis sanctissimi no-
 mine salutat. Ad hæc consilia turbã
 ad

*sanctissima
 liga.*

da nihil prius habuit Imper. C A R O
L V S quàm exercitū in Italiā quàm
primum mittere, qui cūctis minare/
tur, præsertim Florentinis, qui pace
diuturna, auctis opibus, & ciue sum/
mo Pontifice superbi, de nouo fœde/
re mirum q̄ attollebant cristas. Itaq̄
iubetur G E O R G I V S à F R O N /
S P E R G O clarus eques, & notæ uir
tutis, toties iam ducis munere in pro
ximis bellis imò prælijs foeliciter fun
ctus, exercitum conscribere, quem il
le cōtractū ocyus in Alpestri Rhetia
ad Athesim uergēte, sub initū anni
quingētesimi uicesimi septimi supra
millesimū in Italiā duxit. Statim ade
rant cū aliquot millibus Hispanorū
Carolus dux B O R B O N I V S, cui
summa totius exercitus præfectura
tradita est, ac Princeps Arausiensis,
Burgundiorū manu comitatus. Sed
& Conradinus Lepontinus cū qua
tuor uexillis Germanorum militum
qui Cremonæ præsidium Cæsareum
agitauerant, sese cōiunxit. Continet

*Georgius à
Fronsperg.*

*Carolus Bor
bonius dux.
Princeps A/
rausiensis.
Der Prins
von Arcege.*

*Mutius à Col
lumna.*

*Ioan. Me/
dices.*

autem uexillum non supra quingentos milites, sæpe pauciores. Paulo pòst Italorum phalanx accessit, quos ducebat Mutius à Colūna. Iam ad famā tam numerosi exercitus Italia malè sibi conscia, mirè turbata erat. Proinde Pontifex Romanus autor conspirationis nepotem suum Ioannem Medicen cum lecta manu perditorū nebulonum, quorum pars indigenæ erant, pars ab Hispaniā uenerāt, misit unā cum Ioanne Francisco Urbini duce, qui à Venetis cōductus erat, Germanis obuiā, ut arceret illos nec Padum transire sineret. Sed iam traiecerat exercitus. Itaq; quum depellere non posset, profligare multo minus, persequi cœpit & circumquaq; uexare, donec paulo pòst in aggere quodam ictu ænei tormenti fuit extinctus. Amisso nepote suo, qui fœderatorū summus dux fuerat, sollicitus Clemens quum uideret Germanos ac Hispanos ad Parmam & deinceps Bononiam urbes Ecclesiæ Romanæ defle-

deflectere, summisit Muschanum uicarium regni Neapolitani qui apud Borbonium subditos Pontificiæ ditioni pecuniâ redimeret, quo prorsus ab omni maleficio abstinerent milites, et in aliud territorium transfirent. Is legatus cū incautiùs proficiscitur, captus est, sed mox liberatus. Postulata sunt tercentena ac quinquaginta aureorum millia. Tantâ summam nemo uoluit præstare. Itaque quum haud ita procul Ferraria aliquandiu statiuâ habuissent, urgente eos rerum omnium penuria, sic ut nō solū comæ meatu destituerentur, sed & uestimentis, atq; adeò calceis iam carerent, deportato prius Georgio à F R O N spergo Ferrariâ curandæ ualetudinis causa (nam signa quædam paralysis iam in eo apparebant) magnis itineribus Florentiam contendunt. Quam rem haud illibeter audierunt Romani, sperantes à periculo se tutos, quum Florentini peterentur, & cupiebat pontifex spectator tantum esse belli. Ve-

rum secus est uisum superis, & uetus ac uerum est uerbū, consultum malè consultori pessima res est. An sua spōte, an potius aureis aliquot globis tacti duces exercitus retro cesserint parum liquet. Hoc constat, eos qui Florentiam petere uidebantur dicto citius Romam aduolasse, perpetuo uestigijs insistente duce Urbinate sed citra noxiam insignem. Via militari minime sunt profecti, sed per montes & loca confragosa ac siluas, dum cōpendium itinēris sectantur, tanta celeritate, ut nuntiū præuerterint, nec aduentare scirētur nisi iam proximi Romæ. Quinto nonas Maias præmiserūt senatorem ad portam urbis deprecētem ut aditus aduenienti exercitui pateret. Responso nuntium minime dignatus est Laurentius à Cere Ursinus Pontificiorū dux, sed tantum dixit contemptim, ni abiret properè se de equo hominem ictu ænei globi tormentarij deturbaturū. Itaq; redijt ad suos. Postridie ante mœnia
urbis

Senior Rentz
Italicè.

urbis constiterunt. Sabbathum erat, Vulgo iactabatur transituros illac Neapolim, nec diu moraturos. At statim apparuit cuius rei gratia uenissent, dum castra figunt post diui Petri inter ueterem Romam & quod Burgum appellant, iuxta campum cui sancto nomen. Id cum Pontificij uiderent, nec ipsi cessabant operibus se munire, æneis tormentis duas noctes & intermediū diē qui dominicus erat, illos impetentes. Nō uisum est cōsultū Borbonio, si inermes & oppugnatorijs machinis nullis instructi diu tēpus tererēt, hostiū assiduis ictibus expositi. Libuit quāprimū experiri fortunam. Ergo bonis auibus pridie nonas Maias urbis oppugnationē diluculo nebuloso aggrediuntur. Bis repulsi sunt, tertio uicerūt. Hoc profuit irruentibus. Quod quoties oppugnationē iterarunt, toties cadebat nebula prospectū Pontificijs adimens, ut nescirent qua maxime parte hostis irrueret. Ex stipatoribus Rom, præsulis numero ducētis,
Hel

*Hou pmyr
Re, ch non
Zyrich.
Carol. u orbo
uij mors.*

Heluetij erant, cum ad murū uiriliter
pugnantes circundarētur, uix quin/
quaginta superfuerunt, nam & in æ/
de diuī Petri mox aliq̄t circa ipsum
Clementem ceciderunt. Et centurio
Reschius Turegiensis ex uulnere ad
morum accepto grauiter affectus, in
sinu ministræ domi quiescens, occi/
sus est. Borbonio quoq; stanti in sca/
lis globus ænei tormenti parum cau/
te à suis emissus, ut est plena periculi
eius generis armorum tractatio, crus
alterum sub femore perfregit. Id acci/
dit in oppugnatione postrema, qua
expugnata urbs est, ex quo uulnere
mox extinctus in sacello Xisti, in qd̄
semianimis à militibus fuerat dela/
tus. Hoc quod nūc dicitur nemo cre/
det fortasse, Pontifici adeò non fuisse
curæ exercitum istum, ut sub urbis
expugnationē ipse in ædem diuī Pe/
tri descēderet spectaturus sacrum, &
nuntiātes expugnationem primum
rideret, donec hostes in ipsum tem/
plum irruerent, nimium certe fretus
aposto /

apostolico fulmine, quod nudius tertius in aduenientes iaculatus fuerat, in cuius execrationis diplomate hæc lecta sunt uerba: Excōmunicamus, Carolum dictum Borbonij ducem, & exercitum eius, partim ex Lutheranis, partim ex Marranis constantē.

Significabantur autē Lutherano/rū nomine Germani, ut Hispani Mar ranorum, Sed ad narrationem redeamus. Pontifex relicto sacro cui spectator affidebat quàm celerrimè in altū se per gradus & ostium quoddā subduxit, in Hadriani molem per nota ambulacra fugiēs. Et qui ibi sunt exclusi, iugulati sunt ad unum omnes, non solum ex stipatoribus, ut ante diximus, sed ex tēpli ministris & ex plebe non pauci: neq; enim maiestatem diui Petri in cuius tēplo hæc fiebant, quicquā reuerebatur prophanus miles, ne Pōtifici quidem ipsi parsurus, ni fuga ac obiectis repagulis sibi consuluisset. Ad tumultum primum captae urbis cæteri quoque cardinales
omnes

omnes & Episcopi ad Hadriani mo-
lem properant. Vbi dum uulgus tre-
pidū nunc excluditur, nunc summo-
uetur ut magnatib. pateat aditus, in
pōte multi mortales oppressi sunt &
obtriti multi. Tantū cessarāt Cardī-
nales, Senēsis, Cēsarinus, Iacobatius,
Tudertinus, & is qui à ualle cogno-
minatur: & iā omnia fremebant mili-
tari furore circa arcem, quare uisum
aliò fugere. Patebat in proximo pala-
tiū sancti Georgij cōditū à Raphaële
Card. S. Georgij in quod paulo antè
uenerat post expugnatā urbē Cardī-
nalis Colūnanus cum ingēti lectorū
militū manu partes Cēsaris sequens,
quū tamē discedētes Germanos ne-
mo sit acrius persequutus. Sed hic
Italorū mos est subinde mutare fauo-
rē, ut res & fortuna sese mutarint. In
has ædes recepti sunt. Interim non ci-
tra plurimorū stragem, Burgo sancti
Angeli direpto, regiōis nomē est, ul-
terioris urbis partes inuadi cœperūt.
Longū sim facturus si calamitatē de-
scribe

Card. à Col-
lumna.

scribere coner quantū est passa ciui-
 tas Rom. A. Gothicis, Vandalicis, et
 Longobardicis tēporibus nunq̄ exi-
 tio propior fuit. Nec innoxiorum ci-
 uiu bonis exsatiata militaris auaritia
 Violata sunt etiā tēpla, refractæ Ve-
 stalium fores, coenobitarū septa diru-
 pta, cōtaminata ac direpta omnia. Fe-
 lices erant qui sua tantū amississent.
 Torquebātur insuper hoīes & iugu-
 labātur, dū nō habēt q̄d nouo raptō-
 ri tradāt. Senserūt hanc inclementiā
 multi præclari uiri fautores etiā Cęsa-
 ris, quorū aliqui inter cruciatus perie-
 rūt. In summa nihil intactū reliq̄t ho-
 stilis furor, pepercit nemini. Durauit
 hæc rabies nō modicos dies. Miraris
 lector q̄dnā egerint milites tāta præ-
 da potiti. Qui uisse putas. Imò tū ri-
 æ & iurgia inter ipsos coeperūt. Nā
 leā ludi passim exercebāt, ubi uidis-
 suni iactui nūc trecētos aureos, nūc
 excētos, sæpenumero mille cōmitti.
 Qui suffarcinata ueste uenerat, q̄ po-
 ulis aureis et argēteis turgebat, sepe
 absq̄

absq; interula discedebat. Vnde non paucos tanta desperatio incessit cogitantes à qua fortuna excidissent, ut clausis oculis in Tyberim præcipitarint. Iudæi quorum magnus numerus illic, ne sint omnia sancta Romæ, persolutis pretijs sese redemerunt, ex præda omnis generis uili empta ingens lucrum faciētes. Porrò qui molem obsidebāt Hadriani, in qua Pontifex erat cum Cardinalibus, Episcopis, & Primatibus urbis, extremos muros suffodere cœperunt, ut summisso puluere tormentario structura dissiliret. Sed impediēbat aqua quæ circumdat per amplis fossis arcem. Quid hic attinet conuītia recensere, quæ petulātia militaris in summum pastorem & cardinales subinde effudit? Quid contumelias cōmemorare quibus Christianas ceremonias ut quisq; erat leuissimus, ita studio maiori irrisit, dū ebrj milites nunc Pontificiæ gestationis simulacrum representant uuidum aliquem sacris uestibus

bus indutum in lectica baiulantes: nunc benedicentem Pontificem per derisionem æmulantur. Interim parum plausibile Romanis auribus Lutheri nomen boatu horrido occinentes, si fors mitratorum aliquis de fenestra prospexisset, Pontifex tamen obfidionem tolerauit usque ad octauum Idus Iunias. Nam eo die quo, uidelicet, hostibus urgente rerum omnium inopia sese dedidit, rursus suæ potestatis factus est, & in integrum, ut uocant, restitutus, ut sacerdotia conferret, donaret priuilegia, ac de rebus alijs ex more statueret. Cõuenerat autem inter præfulem Romanum & obfidentes in hunc modum. Milites intra arcem reciperentur, & hanc custodirent; Pontifex cum suis illic maneret, donec militibus esset de stipendijs satisfactum. Statim itaque Germani propugnaculum unum tantum, quod ingredienti dextrum occurrit, præsidio occupant Centurione M A Y N R A D O Eijmgerio Ulmenfi. At Hispa

b ni

ni, ut minime stupida Gens est, non contenti propugnaculum alterum quod ad sinistrā est occupasse, in porta arcis etiā & in cœnaculis per quæ ascēditur aptis locis quinas militum stationes disponunt, in ipsum quoq; Pontificis cubiculum præsidio inducto. Nam metus erat, ne elaberetur. Iam itaq; potiebantur arce Hispani, sine quorum præfectis militaribus, Larcone, & Ioāne Vrbinate, & super præfecto Morono Mediolanensi nihil agebatur, nimirum huc spectabant, quum tot præsijs Hadriani molem stiparent. Admittebant ad Pontificem & excludebant, quos uolissent. Minus poterant Germanorum duo præfecti, primarij uirtute, & maiorum imaginibus clari, Conradus à Bemmelbergo oriundus ex Hessia, quem uulgo milites Paruum Hessum appellant quòd fratrem habeat grandiore, & Vuendelinus cognomento Ad lacum, Italorum Mutius à Columna, Radus Burgundionum.

Conradus à
Bemmelberg.
Eq. aurat.
Der klein
Hess. Vuende
linus zuom
Vueyer.

dionum. Dum hæc geruntur, iam a/
 gebatur Iulius mensis. Nec supererat
 Romæ quod compilaretur à uago
 milite, & annona charissima erat, ac
 inualescebat pestis. Itaque totus exer
 citus sublati signis Narniam profi/
 ciscitur, præter eos qui præsidia agi/
 tabant in arce Pontificia, ceu memo/
 rauimus. Distat id oppidū xl. milli/
 bus passuum ab urbe. Expugnatur
 statim, diripitur, & destruitur instar
 Romæ. Immo seuitum ardentius in
 Narnienses ferūt, prætexebatur cau/
 sa, ni fallor, quod commeatum quo
 nec abundabant ipsi, non subuexis/
 sent ad urbem. At non quiescebant
 Hispani nisi Hadriani molem soli te/
 nerent, forte instigante Pontifice qui
 sperabat se melius cum Hispanis, qui
 pauciores erāt, trāsigere posse, quā
 cum Germanis, gēte effreni. Id quod
 paulo post accidit, ceu suspicor, cū di/
 missus est. Persuadēt igitur E T I M
 gerio ut cum suis quinq; centurijs,
 uexillū enim habebat, ex arce disce/
 dat,

b 2 dat,

dat, Hispanicis praesidijs locū cādēs,
Vix exierat, & ecce totus exercitus
Narnia Romam reuertitur mense se-
ptembri. Ibi rursū tumultu miscen-
tur omnia. Agminatim adeunt A/
driani molem, & urbem se denuo di/
repturos atque adeò inflammatu-
ros minantur, ni per̄soluat Pontifex pro/
missa stipendia. Quum efflagitandi
minitandiq; finem nullum facerent,
prodeunt ex arce tandem colloquū/
duntaxat gratia, si quo modo compe/
sci milites Germani possent, Archie/
piscopus Sipōtinus, Archiepiscopus
Pisanus, Ioannes Matthæus Episco/
pus Veronensis, egregiè doctus ho/
mo, & Antonius Puccius Episcopus
Pistoriēsis: ex laicis, Iacobus Saluia/
tus consobrinus Pontificis, & Lau/
rentius à Rudolphis frater Cardina/
lis à Rudolphis. Hos, ut dixi, collo/
quendi tantum causa progressos, ar/
ripiunt statim auidi milites, & obsi/
dum loco tenent. Erat in Palatio Ge/
orgiano, cuius ante meminimus, ca/
mera

mera nō ita alto loco sed ferreis can-
 cellis satis munita, in hanc istos con-
 trudent. Dīj boni quā̄m s̄ape produ-
 ctī sunt in cōcionem ira frementem,
 & stipendia conuitijs & minis expo-
 scentem; quā̄m s̄ape ad ipsum pati-
 bulum adducti, quod in foro pro ple-
 ctendis facinorosis erat erectum?
 quā̄m multis iniurijs domi foris que
 impetiti? Verba Germanorum non
 intelligebant, sed satis loquebantur
 ipsi uultus insultantium. In uestibu-
 lo cubiculi in quo obsides detinebā-
 tur, semper reperīsses quinque, raro
 pauciores centurias militum die no-
 ctūque ostium obseruantes. Horum
 excubiæ durabant horas **X XIIII**.
 Tum totidem centuriæ succedebant
 in decedentium locum perpetuo.
 Sed ō Germanorū oscitātiā. Dum
 solliciti pro foribus excubant, obsi-
 des noctu per fumarium cubiculi pri-
 die diuī Andree erepserunt, nec ui-
 si postea sunt. Quam rem prius rescī-
 uerunt Hispani qui Hadriani molem

cum Pontifice tenebant, quàm ipsi excubitores Germani. Vide ingenium & solertiam Gentis. Nec mirum si à præfule Romano & obsidibus pecuniam tam insolenter flagitabāt, qui domū summi ducis totius exercitus, Principis A R A V siensis, in demortui B O R bonij locū pridē suffecti, foedum in modum diriperant, ut sibi metuens iuuenis Senas profugeret. Huius loco dux est mox institutus Marchio à Quosta, qui hoc officio functus est donec mense Februario Neapolim proficisci cogerentur: nam inuiti Romam relinquebant. Sed Galli per Picenum instructissimis copijs nempe centum millibus peditum & equitum ditio- nem Neapolitanam sibi uendicatum ibant. Quibus nisi fuisset obviam profectus exercitus Romanus, & præcedendo restiisset, actum fuisset non solum de regno Neapolitano, sed & de ipso Cæsareo exercitu, qui hinc Gallis, hinc Italis medio lo-

co consistens pœnas dedisset : nam uelut inter Scyllã & Charibdim uersans ab utrisque paulo post ad interitionem haud dubiè fuisset cæsus, ni maturasset abitum . Aiunt exercitum Germanorum aduenientē fuisse quatuordecim millium, discedentem octo duntaxat . Tantam multitudinem absumpserat lues quæ Romæ diu grassata est . Ante hoc tempus ab Hispania literæ uenerant quibus Imperator apud Pontificem anxie excusabat ea quæ Romæ nuper acciderant . Nam iniussu suo omnia esse gesta, nec se milites eos pro suis agniturum qui tantum nefas ausi forent . Iubebatq; liberum dimitti cum suis Pontificem : id quod & factum est, sed haud dubiè prius pecuniâ placatis Hispanorū animis, in quorum manibus erat, ut suprâ diximus . Videbatur autem timere sollicitus Princeps ne præsul Romanus ipsum inter eos quibus ex Christiano ritu cōmuniōne piorum interdicitur, si non

palàm, saltem occultè retulisset. Ad
quæ rescripsit Clemens, nunquam
de Cæsare sic se sensisse, ut pro sacris
abstento iudicaret. Proinde meliora
sibi de sede Romana promitteret.
Ipse mox Oruietum
concessit.

HISTORIAE DE EXPVGNATA

Roma, An. M. D. XXVII,

FINIS.

CAROLVS SIVE

VIENNA AVSTRIACA.

O Deplorati nunquam satis aspera fati
Fortuna in nostrū grassās caput, ecqđ in ullo
Tandem sine tua insistet uis: ecquid erit cum
Respicias Gentem placato Christida uultu:
Te uoco fortunam Magni quam patris aperta
Irreuocabilibus pandunt distamina chartis,
Quantq; uolutatam infinito numina produnt
Consilio. O tandem Deus, ô Deus ad tua tandem
Aspicias bona: Quæ nunc dissipat hosticus ensis.
Præcipue nanq; hæc tua sunt, ubi tradita primū
Scripta tui doctrina recepta est sanguine nati.
Cur patitur tua uastari clementia sedes
Vlterius placitas hostilis Marte cohortis:
Infestæq; tibi pater infestæ & tibi fili
sanctæ tibi & numeri flatus perfectio trini.
Quid primū memorē: quid postremum: omnia supra
Inualuere modum mala, nilq; accedere posse
Cum speres, tum uix coepisse exorta uidentur.
Nuper erat, neq; enim longū est nimis, intolerandum
Occubuisse crucem Graiūm quam beta notatam
Quadrisido giluis distinguit margine punctis,
Pontica quam tulerat Byzantijs insigne Trapezus.
Sed non dira Asiæ modo in urbes Turcica pubes
Inuasit, domuitq; opulenti maxima mundi
Regna, ubi prorepsit petulans Bithynide prussa
sed Cilices etiam & Tauri iuga uasta colentes
Cepit, & Armenias leuis est inuicta sub oras,

Cappæ

Cappadocumq; insedit agros Pamphiliaq; arua,
 Et iuga Paphlagonū, & Pisidum campestria rura.
 Et Croesi antiquum imperium, qua Lydia præter
 iugera scruposa fluit Hermus fertilis unda,
 Et Phrygiæ campos ubi priscae moenia Troiæ
 Tindaridum pressit bello manus inclyta regum,
 Ioniæ & ueteris, terræ & loca opima Cairæ,
 Aeolidosq; sinus. Et quas Aegeia cingunt
 Acquora tellures. Cyprum hæc inuasit ab ira
 Numinis orta lues, Euboeæq; arua beatæ,
 Et clarâ cuertit Rhodon, & Lesbo dominata est.
 Tunc, neq; enim cupidæ mentis uesana quieuit
 Vllo sine libido, & in Europam iniulit arma
 Per breuia ingrediens freta Bospori & Hellepontum,
 sed tamen unde & q; misera hæc ab origine pestis
 Repserit, & tanto processu inuasit orbis
 In loca totius cultu optima, uertere nostram
 Ante querelam æquum duxi. Neq; non tamen auget
 Sortem hoc indignam, seruilis corpora tantum
 Imperium obtinuisset. Et nunc late omnia duro
 Seruitio premere, adductisq; inflectere frenis
 Emersa est scythicis lacubus, Muliebribus antè
 Accersita ad concubitum parentia iussis.
 Fœminea ad talos tunica leuibusq; ueredis
 Et tenui uolacris ferro contempta sagittæ,
 Tum contempta ubi uirtutis decorisq; manebant
 Reliquiæ quamuis modicæ. Nunc, turpia pulsas
 Quippe tenent illis regnum. Discordia tantum
 Corda ciere malum & potuere inducere pestem.

Sed tamen hunc quondã à nobis obiecta furorem
 Arcuit, atq; Asiæ loca iussit obire Propontis,
 Cum Cateuczana infelicis factio belli
 In sese rabidos iratam obuertere rictus,
 Sanguineosq; feram fecit distringere dentes.
 Atq; ita telluris capta hæc dulcedine Græciæ
 Paulatim insedit pergens, dum protinus omnem
 Sub iuga barbarici traxit turba impia regni,
 Quo sub nunc antiqua gemit Tritonidos ora,
 Vnde humana putant iura & commercia nata
 Inuentrix uitæ opportunæ cultibus artis.
 Thebanumq; solum, & sacratæ Phocidos arua
 Et campi Aoniæ lugent Silet Arcadiæ uox
 Fistulæ, & in syluis Echo se muta requirit.
 Hoc agros monstrũ & uastauit Achæidas urbes,
 Armaq; Doriacis fregit celebrata tropheis,
 Insula ubi Pelopis cognomine cingitur undis
 Aequoreis, bimariq; patens excurrit ab isthmo,
 Quondã inuicta uiris tellus, dum sancta Lycurgi
 Spartanos morum & legum dictata regebant.
 Nobilem & Epirum palma olim cœpit equarum.
 Hic & in Actolos obuertit castra superbos,
 Victriciq; manu domuit progressus equestrem
 Aemoniam & priscorum laude celebra quondam
 Thessala Peneo uiridantia flumine Tempc,
 Huic uicti Thraces etiam Mauortia proles
 Et Macedum paret natio, Dumq; omnia nuper
 Christi de dissidijs & bello in gente laborant.
 Constantine tuam posuit sibi Barbarus urbem

ille sui sedem regni, uicinaq; late
 Percurrit loca, Bulgariamq; Auaresq; Dacasq;
 Illyricosq; sinus. Huius uim Dalmata sensit,
 Cladibus attriti crebris sensere Liburni
 Quin & Noricia prædas ferus egit ab ora.
 Interea loca sunt Asiæ huic intacta reliæta
 Nulla, & in ante suos dominos sese intulit, cq;
 soltanum imperium uertit, ueteremq; subegit
 Cum Sidone Tyrū, & Syriæ claram Antiocheam,
 Inq; Palestinos Arabasq; potentia torsit
 Tela, & Niloos oppressit Marte colonos.
 Quid memorē te, parua quidē & cinæta undiq; sæuis
 Hostibus ô mater tantorum magna uirorum
 Gente Cananitis Iudæa sorte subacta:
 O dilectâ Deo præ terris omnibus una,
 Cui debere illi natalia tempora uisum
 Vnigenæ nati, quo sunt autore salutis
 Parta bona humani generis. Qui uiuit & absq;
 Cum patre & sancto regnat spiramine fine.

Sed nos ad propius nobis uulnus ueniamus
 Quod tractare manus tremit, & mēs horret, ita ingēs
 Atq; ita se uisu fœdum spectantibus offert
 Quod crudelis abit rabies uiolenta Tyranni
 Pannoniæ infligens miseræ nunc, ô miseræ nunc,
 Sic miseræ ut quondā fœlix fuit. Illa & ad ipsam
 Ostriacam usq; lues peruenit dira Viennam
 Quis cladem illius fando quis funera belli
 Enumerete flamma & ferro quacunq; mearet
 Fecit iter, genitrix confossos cernere natos

Vimq; coacta pati uiq; ipsa occumbere lætum.
 Præcisa alterius salijt de pectore mamma,
 Alterius patuit perfosso abdomine uenter,
 Quæ sed in innocuo uis aut iniuria sexu
 Non tentata fuit: saltem has luet impia gentis
 Colluuijs. Deus hæc Deus ipse hæc puniet ausa,
 Tunc capita & totos, uisu miserabile, truncos
 Sepibus affixi aut hastis fudêre cruorem,
 Nil prætermissum est sceleris. Tremefacta Vienna
 Impete fulminei subiecto pulueris, inter
 Spemq; metumq; suam uix est tutata salutem.
 Dextera quod toti nisi formidabilis orbis
 Protegeret Caroli ciues ope Cæsaris orbos
 Quis scit an ille etiam huc grassatus Mars Alemanos
 Nos uicina magis sortitos flabra Aquilonis
 Pergeret & Francos sibi subq; iugare suæuosa
 Sed tua succurrit Carole ô tua dextera labori
 Cœlestis dextera auxiliij suffulta fauore.

Si tamen est, quamuis sero, fas uera fateri,
 Nō dedit ille mala hæc nobis & damna Tyrannus,
 Sed nunc, ut quondam te Gens Hebræa parentem
 Deseruit Deus, & meritorum oblita tuorum
 A te discedens sceleri seruiuit, Ita omne
 In facinus reges & subdita turba ruentes
 Neglexere uiam uirtutis, & undiq; sese
 Flagitijs etiam pulcrum implicuisse putarunt,
 Hæc inflixerunt nobis cruciabile uulnus,
 Nostra quod ulterius serpens ignauia fouit.
 Permutata imis sunt summa, neq; ulla magis iam

Rebus in humanis manet insubuersa priore
 Conditio, non ordo loco. Quid fraude malaq;
 Relligio, quòd nunc est uicta superstitione:
 Vnde est improbitas uitam deducta per omnem
 Et squalet Mundus uitio obrutus, edere cuius
 Nomina cunq; mali libeat iam nulla requiras,
 Quæ memorare piget. sed quid si forte fauor nos
 Respiciat posita fœlicis Numinis ira,
 Quamuis multa uetent sperare, & forte tamen si
 Vunanimem ducibus tribuat coniungere sensum
 Et scelus & contra ultricem facta impia mentem,
 Atq; animum ante suis ponat qui publica rebus
 Qui ius & rectum colat & procuret honestum,
 Vim tollat sceleisq; nefaria puniat ausa,
 Quis magis optatus uotis obtingere posset
 Dux Carolo: ut quondã Gedeon, Sampson, Iosubas
 Centis & Isaides Iudææ gloria regum
 Quiq; alij, neq; enim cunctorum nomina paruo
 Exposuisse queam libro, dextraq; animoq;
 Ingenti ac forti hostiles fregere cohortes,
 Quæ petiere tuum populum Deus, ut petit illa
 Nos populũ tuum, habetq; patentes belua fauces
 Deglutire parans insignem nomine Christi.
 O utinam illa dies tantorum caussa honorum
 Orta sua in roseis ostendat lumina bigis
 Mortali uoto turbæ exoptata frequente,
 Tunc ego, quicquid ego possim, neq; enim Deus esse
 Pauperis ingratum patitur sibi munus honoris,
 Ad Cytharam læta resonabo uoce Latinam

Grates maxime agens tibi Rex Deus optime regum,
Effundam & prompto celebrans inuictæ Triumphos
Cæsar mente tuos, interq; ingentia facta
Non inopes defecta requirent uerba Camœnæ.
O mihi sint rebus super his uitalia lucis
Tempora lætificæ, ferat hanc miseris cito terris
Numen opẽ uertatq; oculos ad nostra benignos
Vulnera, & admota sanet putentia dextra.
Hoc oro, mecum hoc omnes orate bonarum
Ex animo rerum, & sanctæ uirtutis amantes.

FINIS.

CAROLVS SI=

VE TVNETE.

Quid qui indefessis decurras in æthere bigis,
 Desuper & terræ lustras loca Phœbe patens
 Vnde orris, mediq; nites ubi culmine cœli,
 Oceaniq; subis uasti lacum, & inde reuertens,
 Cymbio in exortus ueheris radiante priores,
 Quid melius cernis Carolo, aut quid Cæsare maius?
 Aspice, nam nil te fugit, aspice Phœbe. Quid ergo
 Tale uides? à quo metuit perterritus orbis,
 Imperiumq; tremunt scelerati, quiq; fuere
 Exitium pestisq; bonis, nunc forte suarum
 Mutata satagunt rerum, quæruntq; latere
 Vi captæ loco in angusto regionis iniqua.
 Quam tulit ille diu, quam non est ultus, & omnes
 Sustinuit quasi sopitus patientibus ausus
 Hostiles animis, quos tandem excitus apertis
 Aspiciens oculis sese ipse recolligit, inq;
 Maiorum reuocat mentem præclara suorum
 Et totum quæ facta uehuntur laude per orbem.
 Materiamq; dare aggreditur, si quem tamen ista
 Secula ferre queant, aut si uentura poetam,
 Qui digna æternæ faciat præconia famæ.
 O Carole ô magni soboles generosa Philippi,
 Tertius à Diuo qui ducere Maximiano,
 Tū ne ille es Carolus Carolo de Principe V.
 Romani Imperij, de quo tot carmina uatum
 Arma per edicunt totum uisericia mundum.
 Cuius Sante suum memorantur nomina partum.

Formaꝫ; descripta est, & castæ nobile mentis
 Ingenium, ut iam quisq; tuos quod uiderit annos
 Et genitum seculo sese lætetur in isto.
 Ergo tibi non sola subest Europa, Nec illa
 Terrarum plaga qua decliuus ab æthere Phœbus
 soluit equis spatio fumantia lora perado,
 sed tua se longe infinita potentia tendit
 Vltèrius, trans Herculeis inclusa columnis
 Inq; Atlantiacum freta prospicientia pontum,
 Vnde obeunt uastum ferratæ Nereæ classes,
 Exquiruntq; nouas hominum super æquora sedes,
 Atq; alium inueniunt disclusum fluctibus orbem,
 Indiam ab occiduo uenientes littore. Nec gens
 Nec locus incurfus illarum pertulit ullus,
 ipse diuitias auri argentiq; reportant,
 Et pretiosarum gemmarum lucida dona,
 Bellorum neruos, pacis decus, atq; tuis hæc
 Expediunt Carole auspicijs, sed tu magis alta
 Diuino spectas animo, pudet illa Tyrannis
 Priscorum seruire patrum florentia regna,
 Sub Scythicoq; premi sanctam pede religionem.
 Hæc Caroli pia corda tenet dignissima cura,
 Nec quicquã sibi maiori quod possit honori
 Esse uidet, quicquã esse Deo neq; gratius ipsi,
 Barbara quàm stricto si ferro fregerit arma,
 Proq; salute hominum stricto & pro nomine Christi.
 Vindictis ipse igitur Dux agminis Africa uictor
 Littora cum læto peruadit milite, iusto
 Marte ferox pulsus fraterno crimine regis

Defensor, Tunetisq; caput nunc obsidet urbem
 Maurorum imperij. Quo cum se inferre pararet
 Expectans siculo uenientes æquore naues,
 Tunc insigne crucis posteaquam Christidos una
 Extulit ille manu sacræ uenerabile signum
 Militiæ, positis genibus sic esse locutus
 Armorum sese fertur cingente corona.

O socij, neq; enim parua aut contempta manus est
 Copia in his uestræ Carolo duce & auspice castris,
 Hæc nos suscepti præcedent signa duelli,

Hæc ego capta mea dextra, si quæritis, ipse,
 Complectar uosq; ante geram comprehensa fideli.

Quære si qua ducis reuerentia, si qua potentis
 Numinis, & si qua est communis cura salutis,

Pro se quisq; uiri tota huc incumbite mente,
 Per uos ut summi cœlorum gloria Regis,

Perq; ut uos uestræ grandescat gloria Gentis,
 Sive Itala de stirpe sati seu Bætidos oræ

Cultores nostri regni, seu bellica misit
 Ad graue discrimen sancti Germania Martis.

Cernitis hoc toto nil usquam ex agmine desit,
 Sunt naues quibus inductis cœlabitur æquor.

Quas neq; Persarum quondam seruilia regis
 Agmina, nō etiam mare prouectæ hoc quoq; in ipsum
 Athides, aut opere aut superent foelicibus armis.

Nec tamen unquam aliæ memorantur classibus istis
 Instructæ melius salsas fluxisse per undas,

Solis est annis opus & formidine casso
 Pectore, in imbellem tales proficiscimur hostem.

Sed pelagi insuetos audita pericula terrent,
 At scitote Deum Dominum terræq; marisq;
 Versante ætherco sceptrâ immortalia templo.
 Desuper in sibi deuotas nil triste cohortes
 Passurum inferri, dextraq; superne potente
 Propulsaturum mala tellurisq; saliq;
 Illo uos modo præsentî me pectore freti
 Quisq; ducem cupide sequitor, sic fatus in altum
 Produciq; rates iubet, & simul excipit ipsum
 Doriaca insignis cura edita fabrica puppis.
 Vela aquilonaris sinuant flabra annua uenti,
 Ordine procedunt sulcantes uda Carinæ
 Marmora, Sicelidos sit aquæ res mira puellis
 Insulæ, & in pelago conuulsæ innare uidentur.
 Et trepidæ emergunt redimitum fluctibus ulua
 Ore tenus caput, & se rursus in ima recondunt,
 Armorum insolitis radijs ceu fulguris istæ.
 Perculsæq; sono horribili quos ærea mittit,
 Flammiu homo ore globos elidens machina ferri.
 Has senior ponti in Nereia testa reuersas
 Demulcet blando appellans sermone futura
 Prædicente suo, memoratq; oracula Proteus.
 Hæc est illa dies, hæc lux est festa sorores
 Quam uotis longo iam tempore sæpe petiui,
 Quæ pacis fert in cunctas exordia terras.
 Ergo quies & læta uigebunt otia rebus
 Humanis. Non ulla magis piratica toto
 Insidiosa bonis grassabitur æquore puppis.
 Nunc tibi finis adest Getici uis impia regni.

Quam

Quam nimis est perpeſſa diu clementia magni
 Numinis in terras ſæuam noſtrasq; furentem
 Acquoris in ſedes. Caroli debere triumphis -
 Materna Caroli ſequana de ſtirpe, diu iam
 Debita francigenæ dextræ. Sed dum ſibi fatiſ
 Conciliat genus eximij ſtirps illa Rudolphi,
 Interea orbis clade ferox, & inulta fuiſti.
 Nunc fortuna retro cedit tua. Cede potenti
 Cede Deo. Et Caroli inuidias uitare cohortes
 Deditioſe uelis, & palmas tendere inermes,
 Ante pedes abiecta ſolo uiſtoris, & unam
 Supplex de illius ſumma ſperare ſalutem
 Qua ſeruare ſolet quoq; manſuetudine captos.
 Aut refuge in montes, Scythicasq; require latebras.
 Per Tanaim cum mox glacie pons iunctus eunti
 Iam præbebit iter, uel fluctus curre per arctos
 Qua quondam Inachiam fama eſt tranſſe puellam.
 Nec rabies te peruertat conſfigere bello
 Utq; uelis acie decernere. Nil tibi reſtat
 Succellus ſortis uè bonæ. Tulit omnia carus
 Ipſe Deo Carolus, cuius ſi numen adoras
 Siq; humilis ueniam petis, eſt fortalſſe ſalutis
 Spes non abiicienda tibi, ſpem ponito regni.
 Hæc ſenior illæ attonitæ ſermonibus aures
 Præbebant etiam factò iam fine loquendi.
 Tandem animis hilares, uix ſpemq; ſuam capientes
 Vota canunt Carolo, reſonant lilibeiæ late
 Littora & illuſtri ſcintillans Aetna fauilla.
 I. Care, I mundi foelix melioris origo,


Ad decus I Carole æternum. Nunc terminus inſtat
 Triftitiæq; malisq;. Hic ꝓ tecum incipit una
 Proſperitas ꝓ pax procedere, gaudia tecum,
 Tecum ſancta quies ꝓ feſſis otia terris.
 Ecce nitet ſolito lux clarius, ꝓ ſilet æther
 Aptaq; ſola tuis inſurgunt flamina uelis
 Cerulei fluctus rident. Te te omnia rebus
 Humanis Carole expectant ſpem, teq; ſalutem.
 Nunc fugit exitium, peſtis fugit antemalorum
 Morborumq; lues, inopisq; carentia uictus.
 Nunc etiam ceſſant odiorum dira uenena
 Vnanimiq; omnes coniungunt fœdera corde.
 Pergite fœlices Carolo duce, pergite turmæ.
 Vos manet ab fruſtra multis fortuna cupita
 Militiæ, ꝓ ſancti ſummo ſub Numine Martiſ,
 Imperio Carolo infinita prouincia cuius
 Eſt data totius mundi. Te mœnia nulla
 Nulla acies Carole excludet. Pelagusq; ſolumq;
 ille Deus Deus ille tibi qui exciuit, aperta
 Reddet. Quin etiam ſi res ferat, aëra ꝓ ipſos
 Cœlorum pandet tractus, ne quid tibi toto
 Poſſit in acceſſum fieri aut obſiſtere mundo.
 Hoc celebrant uitreum cantu Nereides æ quor
 illud diuina Carolo Duce claſſe ſuperbum
 Exultat ſternitq; uias, portusq; recludit,
 Africa terra tuos. Veteris Carthaginis arces
 Prætereunt, Tunetiſq; petunt hoſtilibus urbem
 Mentibus atq; armis. Getici tremunt impia turba
 Præſidijs, atq; animo uiſis modo frangitur illis,


Et pug'


Et pugnare iubet pudor & formido retentat.
 Numen adest iacite arma procul. Pudor omnis abesto
 Concessisse Deo, gaudet cui cedere rerum
 Natura, illi etiam dubijs nunc mentibus astant
 Materiamq; uolunt Caroli præbere triumphis.
 Iamq; freti ingentes neq; propugnacula turres
 Non muros obstare sinit sibi, non sibi fossas
 Læue quibus terris immisit barbarus æquor.
 Inuehitur portu Caroli iam clavis aperto,
 Cæsa iacent passim summersaq; corpora ponto
 Crebraq; depressæ passim extant fragmina puppis.
 Iam ductor pelago cedit paruaq; manu se
 Per Numidum tostas fugiens subducit arenas,
 Cognomenta cui sunt Russæ congrua barbæ.
 Exultat captiua hominum gaudetq; caterua,
 Libertate sua, Carolus nam liberat omnes
 Conseruans profugo placato milite regi
 Incompilatam quam Marte receperat urbem.
 Maeste animo & uirtute, Dei dux inclyte. Nunc te
 Gloria perpetuæ famæ redimire corona
 Gloria cœlesti properat fulgore renidens.
 Te canimus, te debinc rebus fœliciter actis
 In terra penitus stabilita pace canemus
 Nec pariant tibi inornati fastidia uersus.
 Grataq; sit cupida concepta in mente uoluntas,
 Indigno celebrandi ingentia carmine facta.
 Hoc pater ipse Deus rerum suprema potestas
 Et fieri patitur nec forti offenditur ausu,
 Præbet & incultis diuinas cantibus aures.

F I N I S.

BASILEAE APVD IOAN. HER/
VAG. AN. M. D XXXVI.







Konserwacja dokonana w r. 1953
przez Piotra Karowskiego
Inteligatora Biblioteki Miejskiej

B 847 - B 855

